

Notat til sak 23/35512

Samarbeidsavtale med Syns- og audiopedagogisk teneste

Saka har til no vore handsama i:

- Eldrerådet
- Råd for menneske med nedsett funksjonsevne
- Ungdomsrådet
- Utval for oppvekst, kunnskap og kultur
- Utval for helse og omsorg

Det har i råda og utvala kome kommentar på at uttale frå eldrerådet og råd for menneske med nedsett funksjonsevne ikkje var tatt med i administrasjonen si sakshandsaming. Kommentar til dette er at dokumenta blei ikkje gjort tilgjengelege for administrasjonen før etter møta i råda 05.06.23.

Nye vedlegg i saka:

- Uttale frå eldrerådet (lagt til i saka 05.06.2023)
- Uttale frå menneske med nedsett funksjonsevne (lagt til i saka 05.06.2023)
- Svarbrev frå SAPT til blindeforbundet si uttale (lagt til i saka 05.06.2023)
- Referat frå styremøtet i SAPT (lagt til i saka 13.06.2023)
- E-post etter siste styremøtet i SAPT (lagt til i saka 14.06.2023)

Oppdatert informasjon:

Etter at saka har vore oppe i ulike råd og utval, ønska ein at administrasjonen henta inn meir informasjon om nokre moment i saka. Administrasjonen hadde møte med einigsleiar i SAPT Bente Tunestveit og styreleiar Jogeir Sognnæs 14.06.2023, der ein drøfta punkt frå råd og utval i Alver kommune.

SAPT takkar for spørsmåla frå Alver kommune, og informerer at også andre kommunar har stilt tilsvarende spørsmål. SAPT har no sendt ut oppdatert informasjon til kommunane om at dokumentet som er sendt ut ikkje er på høyring, men at kommunane er velkomne til å kome med innspel til prioriteringar i samarbeidet. SAPT informerer om at dei vil etablere eit representantskap der kommunane får plass og at ein i representantskapet kan vurdere kommunane sine behov og prioriteringar opp mot kva brukargrupper SAPT skal tilby tenester, til dømes om tilbodet skal inkludere brukarar over 70 år. Dersom Alver kommune sluttar seg til avtalen med SAPT, vil det vere rom for å fremje denne prioriteringa via representantskap og vidare til styret.

I Alver kommunestyre 22.06.2023 må ein ta stilling til:

- Om kommunen ønskjer ei samarbeidsavtale med SAPT vidare.
- Kva merknader ein eventuelt vil gje til innhaldet i samarbeidsavtalen.